

中國珍稀碑帖叢書

王羲之
法帖兩種



中國珍稀碑帖叢書

王羲之法帖兩種

江苏工业学院图书馆
藏书章

陝西人民出版社

(陕)新登字001号

王羲之法帖两种

出版 陕西人民出版社(西安北大街131号)

印刷 国营五二三厂印刷

开本 787×1092毫米 12开本 3.5印张

版次 一九九九年十一月第一版 一九九九年十一月第一次印刷

印数 1—5000

书号 ISBN 7-224-05233-7/J·176

定价 10.00元

责任编辑 曹刚
整体设计 徐秦生

出版說明

王羲之世稱書聖，初學書于衛夫人，后在渡江北游中廣習李斯、曹喜、蔡邕等所書諸碑，并將漢魏之風熔于一爐，書法取各家之長，成爲歷代學書者的一代宗師。

臨習王羲之書法多以故宮本爲最，但在社會及民間仍流傳着不少其它版本（搨帖），這些民間流傳本從不同的時期，不同角度反映了王羲之書法全貌，相信會受到書法界同仁及廣大書法愛好者的歡迎。

本書使用的《初搨王右軍佛遺教經》和《崇恩舊藏穎井蘭亭搨本》，由陝西廖相信提供，特表感謝。

初搨王右軍佛遺教經

佛遺教經

釋迦牟尼佛初轉法輪度阿若憍陳如最後說
法度須跋陀羅所應度者皆已度訖於娑羅雙
樹間將入涅槃是時中夜寂然無聲為諸弟子
略說法要 汝等比丘於我滅後當尊重珍敬
波羅提木叉如闇遇明貧人得寶當知此則是

汝等大師若我住世無異此也 持淨戒者不
得販賣貿易安置田宅畜養人民奴婢畜生一
切種植及諸財寶皆當遠離如被火坑不得斬
伐草木墾土掘地合和湯藥占相吉凶仰觀星
宿推步盈虛曆數筭計皆所不應節身時食
清淨自活不得參預世事通致使命呪術仙藥

結好貴人親厚媒娼皆不應作當自端心正念
求度不得包藏瑕與顯異惑衆於四供養知量
知足趣得供事不應畜積此則畧說持戒之相
戒是正順解脫之本故名波羅提木叉因依此戒
得生諸禪定及滅苦智慧是故比丘當持淨戒
勿令毀缺若人能持淨戒是則能有善法若無

淨戒諸善功德皆不得生是以當知戒為第一安
隱功德住處 汝等比丘已能住戒當制五根勿
令放逸入於五欲譬如牧牛之人執杖視之不令縱
逸犯人苗稼若縱五根非唯五欲將無涯畔不可
制也亦如惡馬不以羶制將當墜人墜於坑塹如
被割害苦心一世五根賊禍殃及累世為害甚重

不可不慎是故智者制而不隨持之如賊不令縱逸
假令縱之皆亦不久見其磨滅此五根者心為其
主是故汝等當好制心心之可畏甚於毒蛇惡獸
怨賊大火越逸未足喻也譬如有人手執蜜器
動轉輕絲但觀於蜜不見深坑又如狂象無鉤
獼猴得樹騰躍踔躑難可禁制當急挫之無

令放逸縱此心者喪人善事制之一處無事不
辨是故比丘當勤精進折伏汝心汝等比丘
受諸飲食當如服藥於好於惡勿生增減趣得
支身以除飢渴如蜂採花但取其味不損色香
比丘亦受人供養趣自除惱無得多求壞其
善心譬如智者籌量牛力所堪多少不令過分

以竭其力 汝等比丘晝則勤心脩習善法無令
失時初夜後夜亦勿有廢中夜誦經以自消息無
以睡眠因緣令一生空過無所得也當念無常之
火燒諸世間早求自度勿睡眠也諸煩惱賊常
伺殺入甚於冤家安可睡眠不自警寤煩惱毒
蛇睡在汝心譬如黑蛇在汝室睡當以自持戒

之鈎早併除之睡蛇既出乃可安眠不出而眠
是無慙人慙耻之眼於諸莊嚴寂為第一慙如鐵
鈎能制人非法是故比丘常當慙耻無得暫替
若離慙耻則失諸功德有愧之人則有善法若
無愧者與諸禽獸無相異也 汝等比丘若有
人來節節支解當自攝心無令嗔恨亦當護口

勿出惡言若縱恚心則自妨道失功德利忍之
為德持戒苦行所不能及能行忍者迺可名為
有力大人若其不能歡喜忍受惡罵之毒如飲
甘露者不名入道智慧人也所以者何嗔恚之害
則破諸善法壞好名聞今世後世人不喜見當
知嗔心甚於猛火常當防護勿令得入劫功德

賊無過嗔恚白衣受欲非行道人無法自制嗔
猶可恕出家行道無欲之人而懷嗔恚甚不可
也譬如清冷雲中霹靂起火非所應也汝等
比丘當自摩頭以捨餌好著壞色衣執持應器
以乞自活自見如是若起憍慢當疾滅之增長憍
慢尚非世俗白衣所宜何況出家入道之人為解

脫故自降其身而行乞耶 汝等比丘謠曲之心
與道相違是故宜應質直其心當知謠曲但為
欺誑入道之人則無是處是故汝等宜應端心以
質直為本 汝等比丘當知多欲之人多求利故
苦惱亦多少欲之人無求無欲則無此患直爾少
欲尚應脩習何況少欲能生諸功德少欲之人則

無諂曲以求人意亦復不為諸根所牽行少欲者心
則坦然無所憂畏觸事有餘無常不足有少欲
者則有涅槃是名少欲 汝等比丘若欲脫諸苦
惱當觀知足知足之法即是富樂安隱之處知足
之人雖臥地上猶為安樂不知足者雖處天堂亦
不稱意不知足者雖富而貧知足之人雖貧而富